

57. Stjórnarfundur Nýheima 4. 11. 2015 kl. 8:00

Fundarstjórn: Helga Árnadóttir

Ritari: Vilhjálmur Magnússon

Forfölluð: Davíð Arnar Stefánsson , Vala Garðarsdóttir, Ragnhildur Jónsdóttir, Eirný Vals

Dagskrá:

1. Ársfundur Þekkingarsetra á landsbyggðinni sem var á Selfossi þann

29.10. Styrkumsóknir og framtíðarskipulag rannsóknarnets landsbyggðarinnar. Eyjólfur

Eyjólfur fór á fundinn en Davíð forfallaðist. Það eru átta aðilar sem standa að þessu félagi. Fundurinn var sá þriðji í röðinni sem hefur verið haldinn og var fundarefnið styrktarumsóknir. Andrés Pétursson kynnti samkeppnissjóði á vegum Rannís Þórarinn Sólmundarson var með innlegg frá menntamálaráðuneytinu og hvert þekkingarsetur kynnit sína starfsemi . Kynningarnar voru mjög áhugaverðar, hver með sínu sniði. Flest setrin sinna háskólanemum og framkvæma rannsóknir af ýmsu tagi. Þekkingarsetur Þingeyinga var með mjög áhugaverðan pistil um sína starfsemi. Þau láta nemendur vinna verkefni sem tengjast þeirra svæði. Þau gefa einnig út skýrslu um mannfjöldaþróun sem þau gefa út einu sinni á ári. Sagt var frá rannsóknum, Austurbrú sagði frá því hvernig brottfluttir nýtast í samfélögum, það er mikill auður í því fólk sem er flutt burt. Einnig var fjallaðum rannsókn hvernig má vinna fjarvinnslu í heimabyggð. Slíkt gengur vel þar sem sterk atvinnustarfsemi er fyrir.

Óskir komu frá Þórarni um að setja niður punkta hverju þarf að breyta í regluverki rannsóknarsjóðanna til að landsbyggðin geti nýtt þá betur. Rætt var um að Kristín, Vala, Davíð, Eirný og Hrafnkell skoði þessi mál og skili álti í nóvember.

Hann óskaði einnig eftir því hvernig samband þekkingasetra á landsbyggðinni væri að þróast. Þórarinn ræddi um að fyrirhugað sé að setja ramma lög um þekkingarsetur. Þróunin er að minni þekkingarsetur verði útibú stærri stofnanna í Reykjavík.

Eyjólfur ræddi um skýrsluna „Áfangaskýrsla um þekkingarsetur á Íslandi“.

Helga spurði um rammalögin, eru til drög af þeim? Eyjólfur talaði um menntun og menningu í þessum stofnunum, sem er sinnt vel. En það vantar meiri rannsóknir í þessum þekkingarsetrum á landsbyggðinni. Það þarf að bæta úr því.



2. Rannsóknarráðstefna Nýheima. Bréf frá Þorra.

Varðandi rannsóknarþingið, þá tók Davið við þeim bolta eftir síðasta fund og var búinn að hafa samband við kollega okkar á Klaustri áður en botnlangakastið reið yfir - niðurstaðan var sú að horfa á síðustu viku nóvember, miðvikudag eða fimmtudag ef ég man rétt.

Dagurinn yrði tvískiptur: a.v. opið málþing um rannsóknir í Nýheimum, með stuttum (10-15 mín) kynningum um einstök rannsóknarverkefni sem eru í gangi á vegum Nýheimafólks, einnig mögulega einhverjum samæbrilegum kynningum frá þeim í V-sýslunni. Megintilgangur að kynna rannsóknavirkni fyrir hvert öðru sem og almenningi og um leið sýna breiddina í rannsóknum sem stundaðar eru innan veggja Nýheima (lýsa rannsókna-stoðinni).

H.v. væri vinnufundur um eflingu samstarfs milli Nýheima og stofnan í V-Skaft, þ.m.t. vonandi að skilgreina 1-2 samstarfsverkefni sem færðu í gang hið fyrsta. Rætt hefur verið að horfa sérstaklega á snertifleti varðandi a.v. ungt fólk (t.d. valdeflingu) og h.v. umhverfismál, en allt að sjálfsögðu opið til umræðu í þeim eftum.

Það þarf að nýta þennan fundi til þess að setja saman þá punkta sem Þórarinn hefur óskað eftir. Ráðstefnan verður annað hvort 25. eða 26. nóvember. Hrafnkell óskar eftir því að ráðstefnan verði aðgengileg á netinu í rauntíma. Eyjólfur talar um að slíkt sé í anda Nýheima og sé góð auglýsing fyrir stofnunina.

3. Vísindadagar í FAS

Eyjólfur var ánægður með vísindadagana enn talaði um að það væri ekki skýr verkaskipting milli starfsmanna og kennara. Nína spurði hvað verður gert við allt efnið sem búið var til. Eyjólfur sagði að það verði allt sett inn á heimasíðu FAS. Allir lærðu mikið á þessu og vilja gjarnan taka aftur að ári.

4. Skipulagsmál:

Jólamarkaður Nína og Helga

Helga ræddi um fund vegna jólamarkaðar, sem verður fyrsta sunnudag í aðventu. Árdís heldur utan um verkefnið. Það er byrjað að óska eftir skemmtiatriðum og vinna að skipulagningu.

Vilhjálmur og Nína ætlar að koma gögnum á Árdísi. Miðsker og Hólabrekka ætlar að vera með jólamarkaðsbúð í N1 í Nesjum. Á sama tíma hefur Kirkjan áhuga að vera með 50 ára afmælishátíð.

Nýheimavefurinn Eyjólfur

Það þarf að laga fréttaveitu Nýheimavefsins, og bjóða upp á sjálvirka uppfærslu frá öðrum vefum upp á fréttir að gera. Eyjólfur talar um að vefurinn liggur niðri að ekki sé hægt að opna hann og telur að það sé algert forgangsmála að opna áður en sé farið að huga að annarri lagfæringu. Allir sammála um að það þarf að fara yfir þessi mál.

Sorpflokkur Eyjólfur og Kristín

Búið er að panta sorpflokkunartunnur og eru þær komnar. Kristín talar um að það séu átta stofnanir og spyr hvernig eigi að deila kostnaðinum. Það vantar skolvask inn í rýmið og spurnig hvernig það verði útfært. Nína talar um að það þarf að fá verðtilboð. Vaskurinn skemmir nýtingu salarins. Það þarf að huga að merkingum á þessar tunnur og talar Kristín um að fá límmiða hjá Birgi til þess að hafa þetta eins og flokkað er hjá sveitarfélagini. Kristín talar um að hækta vera með ruslatunnur inn á hverri skrifstofu en að hafa tunnu fyrir pappa. Halda þarf kynningarfund um sorpflokkunina fyrir alla sem eru í húsinu 23.nov, kl. 12:00.

5. Önnur mál.

Nína tilkynnir að þessi funndur sé hennar síðasti og nefndin þakkar henni fyrir vel unnin störf.

Önnur mál.

Vilhjálmur kynnti tvö verðtilboð frá Martölvunni vegna tækjamála í sal. Annað hljóðar upp á 3.542.732 kr. (Stafrænn pakki). Hinn hlóðar upp á: 2.118.824 kr. (Analog pakki).

Helga talar um að sett verði niður á blað hvaða möguleikar eru í boði þegar þessi tæki hafa verið sett upp. Nína spyr hvort að það hafi verið beðið um tilboð frá fleirum.

Allir sammála um að þetta mál þarf að ræða betur þegar allir geta komist á fund.

Notkun Nýheima eftir opnunartíma.

Vilhjálmur óskar eftir verkferlum þegar nota á Nýheima eftir opnunartíma.

Það sköpuðust skarpar umræður um málið og en því miður vilja margir nota salinn en fáir borga fyrir þjónustuna. Finna þarf lausn svo allir geti verið sáttir. Eyjólfur ætlar að setja upp draft og senda á fundarmenn.

Fundi lauk kl.: 09:46